

Na osnovu člana 55. stav 2. tačka b), Zakona o jedinstvenom matičnom broju ("Službeni glasnik BiH", br. 32/01, 63/08, 103/11 i 87/13), Ministarstvo civilnih poslova donosi

**UPUTSTVO  
O RASPOREDU I NAČINU DEFINIRANJA  
RASPONA CIFARA V GRUPE JEDINSTVENOG  
MATIČNOG BROJA**

**Član 1.**

(Predmet Uputstva)

Uputstvom o rasporedu i načinu definiranja raspona cifara V grupe jedinstvenog matičnog broja (u daljem tekstu: Uputstvo) utvrđuje se način određivanja raspona V grupe jedinstvenog matičnog broja i obezbjeđivanje tehničkih pretpostavki za njegovu implementaciju.

**Član 2.**

(Određivanje raspona V grupe)

Nadležni organi određivat će raspon V grupe za sva registraciona područja - kombinacija spola i rednog broja za lica rođena istog dana (tri cifre) za muškarce od 000 - 499, a za žene od 500 - 999.

**Član 3.**

(Ranije određen jedinstveni matični broj)

Jedinstveni matični broj koji je određen u skladu sa registracionim područjima i nazivima općina u Bosni i Hercegovini, po propisima o jedinstvenom matičnom broju koji su se primjenjivali u Bosni i Hercegovini do donošenja Zakona o izmjenama i dopunama Zakona o jedinstvenom matičnom broju ("Službeni glasnik BiH", broj 87/13), ne podliježe promjeni.

**Član 4.**

(Tehničke pretpostavke za implementaciju Uputstva)

Agencija za identifikaciona dokumenta, evidenciju i razmjenu podataka, u skladu sa odredbama člana 8. stav 1. tačka g) Zakona o Agenciji za identifikaciona dokumenta, evidenciju i razmjenu podataka ("Službeni glasnik BiH", broj 56/08) i člana 21. stav 1. Zakona o jedinstvenom matičnom broju ("Službeni glasnik BiH", br. 32/01, 63/08, 103/11 i 87/13), obezbijedit će tehničke pretpostavke za implementaciju ovog uputstva.

**Član 5.**

(Stupanje na snagu i objavljivanje Uputstva)

Ovo uputstvo stupa na snagu odmah, a primjenjivat će se od 19. novembra 2013. godine i objavit će se u "Službenom glasniku BiH".

Broj 06-1-30-2-2369/13  
14. novembra 2013. godine  
Sarajevo

Ministar  
Mr. **Sredoje Nović**, s. r.